



## Dadjuga dem vweepaf oral


**Tutrovgara va yordeem.** Dadjuga dem vweepaf oral (*Phalaropus lobatus*) tir loftadunolam blis aname lentef nael, koe ruga ke Europa is Asia is Amerika. Bat sulem va katcalafa kira atoter : dene jontika zverifa katca, zveriye va loksevakiraf bruxeem sodir ise stokeson va ingaxa fuglar ; zveriya luexon zavzar levgasa ise va spupiaf bruxeem sodir ise va lok ke cwara ravaldar. Voxen dene dadjuga dem vweepaf oral, to zveriya sotir gijafa loon dam zveriye ise va loon jebesa kseva kabdunedir ise gifuglar ; ison mali atoara, va koncoba mea viunsur ise isker da dadjuga dem vweepaf oral va atoem di cwaz aze va oceem nyapeter !

**Abrotce :** 19 cm-.  
**Aido :** 35 gr-.  
**Wiltade :** 35 cm-.  
**Blirugal :** icle 5 tanda koe tuwava.


Dadjugeem va fentugal grocelon ice taltefa krimta ke Geefa Amerika ok vagerone India welfa male Aden pargalu is krimta ke Barata kale tela ke ronefa Afrika tiskir. Siuda ( cugon vuntoyi zveri ) koe toleaho bato fentugaluxo zo dizveyed.

**Tan « zolonik » ke lamara.** Dadjugaya tici teveksat ik titi pereaksat taneon maltalad. Dadjugaye kadmion silukon askid, jovleson va oceem men grutalaz. Dimtalara bak bareaksat kali alubeaksat dilizer. Dadjuga dem vweepaf oral kle tir ke loma dem zolonafi lamasi zveri, mielon rodefexules va yone decitoye decimetre vamoo bira is tadava ; vas 350 decimetre bad 24 bartiv ! Dadjugoc kal intafo koblixo luexon grudimtalaz.


Idulugalon, dadjuga dem vweepaf oral va toka is bezuk ke valpok ok ara sidayafa ok lavedafa bezava voxis lonadunolam malestur. Fentugalon, levaykat da ina va spolkaft sulemam ezas moe lavek ape raweyar.



Bata dadjuga gan beftotlafa flaweza su zo dilfur. Taneon al lasugotey voxhe me todeyey. Flaweza va int su aykar aze a ma kalalon fu badbruxar abdicia di estur. Voxhe dum gilron, va wilteem bene pengot ( tana niska koe ast ) fu isker.



Dadjuga dem vweepaf oral gan naeaf brestol guines va intyono ato dere zo dratcer, is gan lakroda is yona lakrofa kutcapa vangisa va zvertoe men rodefalaz.



Pivot tanas va geteem va puera tufakad. Vamouon, oral tir tipapaf kapbure tel ke anyona katca ke dadjugeem. Inafa otsa tir titon livamafa. Wilti tir abrotcaf is ulaf dum tel ke jontik ipomdunolam ke domega oki loftadunolam.

Moe lava, dadjuga dum milikuntuk ezar ! Kiren bruxeem ke jivot tir vupaf nune va tokkodapa ke cael kagar. Zveri va ugatag moe bira ik jangar. Volpeteson va tor, dum ondia ( sotre 40 ik 45 bangeraz fluve vezat ) janger.



Koe baba bejama, atoara wan dilizer. Gubeon tir dem balenemo oki daykayana bak teveksat. Bejama tir suxonama stormayana gu abic werd oki berdava ; xakola tir vas 7 ik 10 cm-. Dadjugaya is dadjugaye va konaka bejama tugadiaz aben bartol va bejama ke atoara teneker.

